

## 〈華嚴經疏玄談總科 / 第五門・教體淺深〉

編按：本科判為美國法界佛教總會/中文網站製作

節自於唐澄觀法師《華嚴經疏》科判之簡略

### A5 教體淺深（分三）

#### B1 總標（分三）

C1 標舉 第五教體淺深者。無盡教海，體性難思；從淺至深，略明十體。

C2 列數 一音聲言語體，二名句文身體，三通取四法體，上三皆能詮體。

四通攝所詮體，五諸法顯義體，六攝境唯心體，七會緣入實體，  
八理事無礙體，九事事無礙體，十海印炳現體。

C3 料揀 十中，前五唯體，後五亦體亦性。又前四通小，後六唯大；

前七通三乘，後三唯一乘。前八約同教，後二唯別教。

#### B2 別釋淺深（分二）

##### C1 合釋前三（分三）

D1 雙標 就前三中，大小乘中，通用四法：一聲，二名，三句，四文。

取捨不同，各有三說。

##### D2 雙釋（分三）

###### E1 小乘（分二）

F1 徵 小乘三者。婆沙一百二十六云：「如是佛教，以何為體？」

###### F2 釋（分三）

G1 語業為體 一云，應作是說，「語業為體。謂佛語言、唱詞、評論、  
語音、語路、語業、語表，是謂佛教。」其名句文，但顯  
佛教作用。不欲開示佛教自體發。智論中亦同此說。

###### G2 名等為體（分二）

H1 正明 二云，「名等為體。謂名身、句身、文身，  
次第行列、次第安布、次第連合故。」  
「聲，但依於展轉因故。謂語起名，名能顯義。」

## H2 引證（分二）

I 1 二論雙證二義 評家意取語業為體。雜心論同俱舍，俱舍論云：

「牟尼說法蘊，數有八十千；彼體語或名，此色行蘊攝。」謂若語為教體，即色蘊攝；名為教體，即行蘊攝。此乃雙存前二，情無去取，故致或言。

I 2 正理成第二義 正理論中，意符名等，故彼第三釋前頌竟。又云：

「詮義如實，故名佛教。」名能詮義，故教是名。  
由是佛教，定名為體；舉名為首，以攝句文。  
顯宗第三，亦同此說。

G3 唯聲為體 三者，然俱舍意，情無去取；若取其雙存，即合四法以為教體。若經部意，亦唯取聲；故正理十四破彼師云：  
「汝不應立名句文身，即聲為體。」

## E2 大乘（分二）

F1 標 大乘有三，大意同前。

### F2 釋（分三）

G1 唯取聲 一云，攝假從實，以聲為體，離聲無別名句等；

故深密第五云：「如來言音，略有三種，一契經等。」

既云言音有三，明以聲為教體；雜集論云：

「成所引聲，謂諸聖所說。」

G2 取名等 二云，以體從用，名等為體。能詮諸法自性差別，二所依故。

故無性論破經部云：「諸契經句，語為自性，不應理故。」

成唯識第二，亦破彼云：「若名句文，不異聲者；法辭無礙，

境應無別。」唯識云：「此三離聲，雖無別體；而假實異，亦不即聲。」

**G3 則總取** 三云，聲名句文，合為其體。由前二說皆有理教，為定量故。

深密第四云：「不可捨於言說文字，而能宣說故。」淨名云：「有以音聲言語文字，而作佛事故。」十地論云：「說者以二事說，聽者以二事聞，調善聲善字故。」

**E3 料揀** 以余之意，亦應雙取。若就前二，有去取者，寧依名等。

良以音聲一種，正就佛說，容為教體。流傳後代，書之竹帛，曾何有聲？豈無教體？書雖是色，亦與名等為所依故，亦色蘊攝。前淨名十地通取四者，但言所用，非正顯體。

仁王云：「是名句味諸佛所說故。」

**D3 雙會** 然大小諸宗，雖通用四法，而理不同。謂薩婆多宗四法皆有實體。

經部聲有實體，名等是假。若大乘中，或有四皆非實，或有四皆如空，俱不立故。淨名云：「文字性離，無有文字，是則解脫。」

十地論釋空中風相等云：「風喻音聲，畫喻名字，皆不可取。」

佛藏經云：「諸法如毫釐不空者，則諸佛不出世。」

又下云：「諸法畢竟空，無有毫末相。」

有說四皆事理無礙，或說四皆圓融，故宗不同也。

## C2 別明後七（分七）

### D1 即第四通攝所全體（分二）

**E1 牒名** 第四，通攝所詮體者。

### E2 釋相（分三）

**F1 正辨所詮** 瑜伽八十一云：「諸契經體，略有二種，一文，二義。

文是所依，義是能依。如是二種，總名一切所知境界。」

即依於六文，顯於十義。

F 2 出通詮所以 此明教義相成。若不詮義，教文何用？

故通取所詮成契經體。又十住品云：「文隨於義，義隨於文。」文義相隨，理無舛謬，方為真教。

F 3 通收能所 又瑜伽云：「佛菩薩等是能說者。」語是能說相。

名句文身是所說相，故皆通取。不同前義，剋取所說。

## D 2 即第五諸法顯義體（分三）

E 1 標舉 第五，諸法顯義體者。謂但能顯義理，一切諸法皆為教體。

### E 2 引證（分二）

F 1 引淨名經 淨名第三云：「有以光明而作佛事，有以諸菩薩而作佛事，有以佛所化人而作佛事，有以佛菩提樹衣服臥具……。

乃至八萬四千諸煩惱門，眾生為之疲勞，諸佛即以此法而作佛事。」

F 2 引楞伽經 又十卷楞伽第四云：「大慧！非一切佛土，言語說法故。有佛國土，直視不瞬，口無言說，名為說法。乃至云有佛國土，動身名說。」

### E 3 結釋（分三）

F 1 引例總收 又香積世界，餐香飯而三昧顯。極樂佛國，聽風柯而正念成。絲竹可以傳心，目擊以之存道。

F 2 結成說聽 既語默視瞬皆說，則見聞覺知盡聽。

苟能得法契神，何必要因言說？

F 3 況出此經 況華嚴性海，雲臺寶網，同演妙音。毛孔光明，皆能說法。

華香雲樹，即法界之法門。剎土眾生，本十身之正體，於何非教耶？下云：「剎說眾生說，三世一切說。」

又云：「一切世間諸境界，皆悉能令轉法輪等。」其文非一。

## D 3 即第六攝境唯心體（分二）

## E 1 標義總顯（分二）

F 1 正釋 第六，攝境唯心體者。總收前五，並不離識。

F 2 引證 唯識等云：「一切所有，唯心現故。」

起信亦云：「依一心法有二種門，一心真如門，二心生滅門。

然此二門，皆各總攝一切法，以此二門不相離故。」

梵行品云：「知一切法，即心自性。」故唯心現。

## E 2 開章別釋（分二）

F 1 開章 然有二門，一本影相對，二說聽全收。

F 2 別釋（分二）

G 1 本影相對（分二）

H 1 標舉 前中，通就諸教，以成四句。

H 2 別明（分二）

I 1 別明四句（分四）

J 1 唯本無影 一、唯本無影。謂即小乘，不知唯識故。

J 2 亦本亦影（分二）

K 1 正明俱有（分二）

L 1 引佛地論各別成立（分二）

M 1 本質教（分二）

N 1 正明 二、亦本亦影。謂大乘初教。謂佛自宣說，若文若義，皆是如來妙觀察智相應淨識之所顯現，名本質教。

N 2 引證 故佛地論第一云：「有義聞者，善根本願增上緣力，如來識上文義相生。此文義相是佛利他善根所起，名為佛說。」

M 2 影像教 若聞者識上所變文義，名為影像。佛地論云：

「如來慈悲本願增上緣力，聞者識上文義相生。」

此文義相，雖親依自善根力起，而就強緣，名為佛說。

L 2 引二十唯識雙證前二 故二十唯識論云：

「展轉增上力，二識成決定。」

護法論師等，皆立此義。

## K 2 聚集顯現（分二）

L 1 總明聚集之相 然云文義相生，復說五心集現。調如說諸行無常，即有四聲、四字、四名、一句，及所詮義。

此十四相，於聞者識上聚集顯現。

L 2 別釋五心之相 然西方多釋，今略舉其一。

調如說諸字，有率爾、尋求二心。然未定知諸字所屬，無決定心。次說行字，由先熏習，連帶解生，有三心起，調率爾、尋求、決定；以決定知諸字所屬一切行故。聞諸行字，雖知自性，然未知義。為令知義，復說無字。但有二心，調率爾、尋求，未有決定，以未定知無字所屬。後說常字，由前字力展轉熏習，連後字生，具起五心。調率爾、尋求、決定、染淨等流。於最後時，四字周圓，方能解義。總十二心，初二次三，次二後五，故有十四相。義如前說，餘如別章。

J 3 唯影無本 三、唯影無本。

調大乘實教，離眾生心，佛果無有色聲功德。唯有如如及如如智獨存。大悲大智為增上緣。令彼所化根熟眾生心中，現佛色聲說法。是故聖教，唯是眾生心中影像。夜摩偈云：「諸佛無有法，佛於何有說；但隨其自心，調說如是法。」

龍軍堅慧諸論師等，並立此義。

#### J 4 非影非本 四、非本非影。

如頓教說，非直心外無佛色聲，眾生心內影像亦空。

性本離故；亡言絕慮，即無教之教耳。須彌偈云：

「法性本空寂，無取亦無見；性空即是佛，不可得思量。」

淨名云：「夫說法者，無說無示；其聽法者，無聞無得。」

龍樹等宗，多立此義。

I 2 通結所由 此前四說，總合為一，圓融無礙。自淺之深，攝眾生故。

#### G 2 聽說全收（分三）

H 1 標其句目 第二、說聽全收，成二四句。

#### H 2 別明句數（分二）

I 1 約同教 一約同教以成四句。謂：

一、佛真心外無別眾生；以眾生真心即佛真心故，則唯說無聽，故所說教，唯佛所現。

二、眾生心外更無別佛；以佛真心即眾生真心故，則唯聽無說，故所說教，即眾生自現。梵行品云：「知一切法，即心自性等。」

三、佛真心現時，不礙眾生真心現；故說聽雙存，二教齊立。

四、佛即眾生故非佛，眾生即佛故非眾生；互奪雙亡，則說聽斯寂。故淨名云：「其說法者，無說無示；其聽法者，無聞無得。」

#### I 2 約別教（分二）

J 1 總標 二約別教以明四句。謂由不壞相，生佛互在故。

#### J 2 別釋（分四）

K 1 果門攝法（分二）

L1 立正 一、眾生全在佛中故，則果門攝法無遺。生尚在佛心中，況所說教不唯佛現。

## L2 引證（分三）

M1 引當經證 故出現品云：「如來成正覺時，於其身中，普見一切眾生成正覺，乃至普見一切眾生入涅槃。」

M2 引他論證 又佛性論第二如來藏品云：「一切眾生悉在如來智內，故名為藏。以如來智稱如來境故。一切眾生決定無有出如來境者，並為如來之所攝持。故名所藏眾生為如來藏。」

M3 引當經況出攝聽 又下出現品中，明三世劫剎眾生所有心念根欲，尚皆一身頓現。況佛智廣大如虛空耶？

## K2 因門攝法（分三）

L1 立正 二、佛在眾生心中故。則因門攝法無遺。佛尚在於心中，況所說教非眾生心現？

L2 引證 故出現品云：「菩薩摩訶薩應知自心念念常有佛成正覺。何以故？諸佛如來不離此心成正覺故。如自心，一切眾生心亦復如是，悉有佛成正覺。」

L3 解釋 此明佛證眾生心中真如成佛，故本覺無異；以始同本，總在眾生心中。從體起用，應化身時，即是眾生心中真如用大，更無別佛。如起信中多明此義，而是自心體用。今以此經心佛眾生無差別故；佛證眾生之體，用眾生之用。

K3 因果交徹 三、由前生佛互相在時，各實非虛。則因果交徹，隨一聖教全在二心。故眾生心中佛，為佛心中眾生說法；佛心中眾生，聽眾生心中佛說法。

## K4 兩相形奪（分二）



L1 立正 四、由生全在佛，則同佛非生；佛全在生，則同生非佛。

兩相形奪，二位齊融。即隨一聖教，俱非二心。

則佛心中眾生無聽，眾生心中佛無說。

L2 引證 是以賢首品云：「因緣所生無有生，諸佛法身非是身。」

又偈讚品云：「如來不說法，亦不度眾生。」大般若

四百二十五云：「我從得道來，不說一字，汝亦不聞等。」

H3 總結融通 是故此四，於一聖教，圓融無礙。方為究竟甚深唯識道理。

#### D4 既第七會緣入實體（分二）

E1 總明 第七，會緣入實體者。前來六門，同入一實故。

#### E2 開釋（分二）

##### F1 以本收末（分三）

G1 正明 亦有二義：一、以本收末，二、會相顯性。

前中，以諸聖教從真流，故不異於真。

G2 引證 故攝論中名為真如所流十二分教。唯識第十，釋勝流真如云：

「謂此真如所流教法，於餘教法最為勝故。」

G3 釋妨 彼宗雖不立真如隨緣，而說佛正體智證最清淨法界。

而於後得安立教法，名為如流；以本收末，亦名如為教體。

##### F2 會相顯性（分四）

G1 正釋 二、會相顯性者。謂彼一切差別教法，從緣無性，即是真如。

是故虛相本盡，真性本現。

G2 重辨 如來言說，皆順於如。故金剛三昧經云：

「如我說者，義語非文；眾生說者，文語非義。」

G3 引證 仁王二諦品云：

「大王！法輪者，法本如，應頌如，乃至論議如等。」

G4 通局 此經明教即是如，不說如皆是教。若取諸法顯義，皆為教體。

一切法皆如也。則無如非教。

D5 即第八理事無礙體 第八，理事無礙體者。謂一切教法，雖舉體即真；不礙十二分等事相，宛然顯現。雖真如舉體為一切，不礙一味，湛然平等。由如無礙，佛之音聲亦順如無礙。皆與如智而相應故，如前義分齊中廣明。

D6 即第九事事無礙體（分三）

E1 雙標能所 第九，事事無礙體者，文義皆圓。

E2 正示能詮 文即圓音，此中亦具十種玄門。

現相品云：「佛演一妙音，周聞十方國；眾音悉具足，法雨皆充徧」，即同時具足相應體。

十住品云：「欲具演說一句法，阿僧祇劫無有盡；而今文義各不同，菩薩以此初發心」，即廣狹無礙體。亦名純雜教，一句不壞狹也、純也；文義不同，廣也、雜也。

又云：「於一法中解眾多，眾多法中解了一等」，皆一多相容教也。出現品云：「如來音聲普入一切，譬如書字等」，此亦相入，即相容也。

十住又云：「一即是多多即一，文隨於義義隨文」，即相即教體。

出現品云：「道場皆聞，不出眾外，各各隨解」，即隱顯教體也。又云：「如來言音，唯是一味；隨諸眾生心器異故，無量差別」，亦隱顯教體，亦純雜教也。

又云：「如來於一語言中，演說無邊契經海」，如善口女等，即微細教也。

阿僧祇品云：「於彼一一修多羅，分別諸法不可說；於彼一一諸法中，又說諸法不可說等。」一法既爾，餘法亦然；交映重重，無盡無盡。即帝網教也。

觸事皆法，即託事生解教也。一念頓演，即十世教也。

如諸會中，此方所說十住等，十方亦爾，即主伴教也。

若隨說一法一門，皆有無量修多羅為眷屬等，即眷屬教；雖不得為主，亦是伴類。

**E3 類結所詮** 此且約言說。若類通諸法皆為教體，即所詮義；義即普法，具十玄門，如義分齊。

**D7 即第十海印炳現體** 第十，海印炳現體者。

如前差別無盡教法，皆是如來海印定中同時炳現。

設所化機，亦同緣起炳現定中，是故唯以三昧為教體。

如出現品辨，此約果位；若約因位，圓信亦得印現。

賢首品云：「如是一切皆能現海印三昧神通力。」

**B3 結示兼正** 以上十門，該羅收攝，未有一法而非教體。

然後二門正是經宗，融取前八無所遺矣。